

Das Achte Capitel.

Weme / welchen Naturen / vnd
Kranckheiten Aderlassen schädlich sey: Des
gleichen in welchen Kranckheiten Ader-
lassen nützlich vnd nothwendig
dig sey.

Sleich wie den jenigen / so sich
täglich vberfüllen / vnd nach ge-
brauchter Arzney / alsbald wie die
Schwein im Roth sich welken / vnd wie die
Hunde ihr Gespentes wider fressen / wenig
Nutz ist: Also kan bey ihnen auch das Ader-
lassen geringen nutz schaffen / wenn der Leib
also bald wiederumb beschweret / vnd mit
newem Unflath besudelt wird.

Auch wird viel ein ärgere Feuchte / als
die erste gewesen / an vorigen Ort gebracht /
wil geschweigen / das etwas von Krafft /
vnd eingepflanzter Wärme mit dem Blut
ablauffet / welche durch kein Essen vnd
Trincken / wie köstlich dasselbe seyn möch-
te / vollkômlich widergebracht werden kan.

Des